

Katimaqatigiiglutik Aviktuqhimayumi Mihingnautinik Qauyihaiyut (IRIS) Hila Uquuhivalliyumi Nutaanguqtiqtumilu, Ualiniqmi Qitirmiunilu Kanatap Ukiuqtaqtuanit

Ithumaqhuliugtauyut Pitquyauhimagayullu

Taamna ArcticNet-kut Katimaqatigiiglutik Aviktuqhimayumi Mihingnautinik Qauyihaiyut (IRIS) talvani Inuvialuit Angirutitaaqtut Aviktuqhimayumi Nunattiami talvanilu Qitirmiuni aviktuqhimayumilu Nunavunmi amihunik qauyihaiyut pitqubhunik, inuuhirik aanniaqtailiniqmiklu qauyihaiyut ilaliutiyaavaktunik hila mut uquuhivalliyumi nutaanguqtiqpalliyuniklu (hapkuatut nirihiqpallianiqmik niqainnarnik taimaa niuviqhimalluaqtunut). Ilitturihimaliqtaut IRIS-nit atauttimunngaqhimayut aviktuqhimayumi mihingnautinik qauyihautinut talvani iliqahiutihimayut qauhimagayutugait ilitturiyauhimagayut qauyihaiyutugait talvanngat nunallaarnit talvunga ukiuqtaqtumut, hivikittunit talvunga hivituyunut (ukiunik qaffinik) aulavaghutik, taapkualu ahiaguqutut taapkua ArcticNet-kut (hapkuatut Nunaquyumi Ukiuqtaqtumi Ukiutaat (IPY), Ukiuqtaqtumi Katimayit (Arctic Council) havaqatigiit, kavamatuqanit aviktuqhimayumilu kavamatkut havakviinit).

Nailihimayut Ilitturihimagayut

Inuit Aanniaqtailiyut: Inuit Aanniaqtailiniqmut Qauyihautinut (IHS) ilitturiyauhimagayut taimaa 70%-nguyut talvani ISR-nit Qitirmiunilu higaayuktut imaalu 85%-nguyut aimaviit puyulgit higaayuktunit. Ahiagullu, Vitamin D hakugighaut augighaullu iron ihariagiyaavaktut 30%-nguyunit iniqnirinit talvani malrunni aviktuqhimayumi. Amirnaqhivaktuqlu imailliurniq timingnit, hiqiniqmit uutitqtut kumaruqnilu kukughirniit amigaiqpallianahugiyayut uquuhivalliyagami auyami.

Niqighaqarniq: Nunallaarni qiqumaviit anguniaqtiqariamilu aimavingnit (taimaittuq 70%-nguyunit aimavingnit ISR-nit talvanilu Qitirmiuni ilitturihimagayut IHS-nit) ihuaqtauvaktut niqighaqarniqmut. Niqainnait niriyaulluaqpakut (uqumainnigagut) iniqnitqiyaniit (40-nik ukiulgit avatqaniklu), taapkualu

niriyaulluaqpakut niqainnait tuktut iqaluillu. Kihimi, 60%-nguyut IHS-nut ilaayut unipkaqhimayut taimaa niqailluqhimagayut.

Inungnut amirnaqtut: Hilingnia hikup taryumi ualiniqniit qitirmiunilu Kanatap Ukiuqtaqtuanit haalivalliyuq haalivallianiarahugiyauplunilu, aullaqtaqtunut hikumi amirnaqhivaktuq. Ingattautqiyauplunilu, kallukpallialiqtuq ilaanilu atauttikut kallulaqvaktuq hakugingniit aallatqiinguplutik, hila naunaqhivalliangmat amirnaqhivaktuq aullaqtaqtunut nunami taryumilu. Hapkaa aallanguqtaqtut qauhimagayutuganullu ayuqnaqhivaktuq qanurininganiariaghaanik hila, parnaiyattiariami anguniaqvighanik. Talvuuna, amirnaqautighat ingilrutit anguniaqtiqniit ihariagiyaavaktut kihimi ayuqnaqhivaktut ilanginut anguniaqtiqniit.

Aulapkainahuarniq ilitquhinik: Atauhiq aimavik hitamauyunit talvani ISR-nit Qitirmiunilu aviktuqhimayumi uquuhirivagaat huli Inuit uquuhiit,

60%-nguyullu iniqnirinit ilihagatamingnik iniqhihimaittut. Aallanguqpalangmat hilakput, avatipingnilu, anngutighanut imaalu nutaanguqtiqpalliyut, Inuit ilitturihimaliqtuq ikittuunarnik ayuiqhaitjutighanik inulramminut qauhimagayutuganik nunamiittaamilu ilihimaghainik.

Pivighanik nalvaaqhiuqtut inuuhirnut-manighiurniqmiklu havaaghat: Uquyuyunik kaassiliinik uyaraghiuqtullu hulilukaqtullu (agyaqtaqtut) huli amigaiqpallianiarahugiyayuyut aviktuqhimayumi. Huli, Inuit ikittuuvaktut akiliqtuittiyuktunut havaaghanut nalvaaqhiuqtut inihattiaqhimainnamik ayuiqhattiaqhimainnamiklu. Ahiagullu, umiakktut pulaqtaqtut amigaiqpalliyut Ukiuqtaqtumi, kihimi ikittuuvaktullu ikayuutighailliurniqmik havakvighailliurniqmiklu nunallaarnit.

Ikuqpaliuqvighat: Auktuqpalliyuq qiqumayutuqaq ualiniqmi Ukiuqtaqtumi 1970 atuqtillugit hinaalu kingighivalliyuq



Qurluqtumi, Nunavumi talvanngat 1950-mit ihuilutaunahuqquqtuq ikluqpaliuqvighanut talvani aviktuqhimayumi. Ahiagullu, naahuriyauyuq immaukkautiyughaq Tuktoyaktuumi, Nunattiami ihuilutauniarahugiyauyuq hinaani ikluqpaghaliuqvingnut nunguvalliagami imaukkautivaghunilu.

Anngutighat avatillu: Nunamiutat, imariktumiutat taryumiutallu nayugait aallannguqpallaaqhimayut talvuuna naatjuhiit aallatqiinguliqpaktut, ingilratjuhiit aallangayullu anngutighat nayugariliqtait. Ilittuqhitiuvaktut taapkua nanuit unghahivalliyut taryuqmut malighugit nattiit (niqighait), qiyuit navalliaplutik uplulurvigivagait huratjat tuktuvanikpaalliqhunilu, Pacific-miullu iqalukpiit ahiniku iqalunikpalliayuuq uugait nayugainit.

Ilittuqhitiuyut Pitquyauhimagayut

Ilitturinnaqhutik hapkua, pitquyauhimagayut tuhaqtitauhimagayut ikayuutighait atannguyat, maligaghaliuqtit ahiillu ihumaliuqtit tamatkiumayumi maligaliqiyut aulattiarutighanik tutqighainahuaqhutik aularaaqtughanik, amirnaittunik inuuhiqattiaqtuniklu nunallaarnik ualiniqmi qitirmiunilu

Kanatap Ukiuqtaqtuanit. Pitquyauhimagayut, ilittuqhitiyauhimagayut hamani, havaqatigiiktunik iniqtauhimayuuq kivgaqtinit nunataarutinit, aviktuqhimayumit Kanatamillu Inuit katimaqatigiingnit, ilauvaktut talvunga ualiniqmiunut qitirmiunullu Kanatami IRIS-nut ingilranikkut katimayiralaanut Qitirmiunilu katimayiralaat kivgaqtiinut.

1. Ilittuqhitiavalliyut ayuqnaiyuqalliyut nunallaarmiunut-ikayuutit ayuiqhaqvighait imaalu ihuaqutighait inuuhiqattiaruqmut, taapkua kihimi taimaa nutqautauyuuttuq aanniaqtailiniqmiq, niqighaqhiuqtit ikayuutainut, ayuqitquqtauplutik aanniaqtailiniqmiq ilihagut, niqinut ikayuqtiigittut, niqittiat niqiniklu iganiqmiq ilihagviit, hilaliqiniqmiq tuhaqtittiniqmiq, ayuiqhaiyuniklu havaaghanut hannavingnit.
2. Ilaupkaqlugit Inuit ihumaliuqtunut, iliqahiutlugillu Qauhimagayut atuuqtitavallianiqmut, maligaghaliuqhimayunut, ikayuutainut, havauhiinut ayuiqhaqvighanullu (ilihaqtitauyughanilu) atauttikmut qanuqlukiaq mihingnautavaktut inuuhiiunut Inuit.

3. Ihumagilugit hilap aallannguqtiqtait parnaiyayunik nunallaarnut. Havaaghat ihuaqhainahuarniqmiq iliqahiutillaqtut angiyaaqtunik qauyihautinik qaanganik ataanilu nunap ilitquhiit, taimaa ilittuqhitiuniaqtut kitut qiqumayutuqanut amirnaqtut, qakugunnguraangallu ihivriupaklugit ahiqquyaqlugillu nunallaap ikluqpaliuqvigait.
4. Qauyihaiqulutik ikluqpaghanut, niqighaqarniqmut, ilihainiqmut, aanniaqtailiniqmut, havaaghanut, immap imaringnianik, mihingnautinik hilamit uquuhivalliagami pivighaniklu nalvaaqhiurniqmut hapkuninnga ikpingnaqtunit Ukiuqtaqtumi. Ahiaguttauq, tuniqhihimainnarumik hanavalliayunik aulapkaihimmaarumiklu nunallaarmiut-aulapkaqtitainik munaqhitjutighat havaaghat ahiniklu hivituyunik qauyihagtaghanut (tahapkuatut halumailruit, anngutighat naatjuhiit) nakurutauniaqtut qauyihagtaghanut aulaviqarumik hilamit uquuhivalliayumi nalvaaqhiurniqmiq havaktunit paqittivighaat.

